

Filoha Ravalomanana

3

Tsy misy fampandrosoana raha tsy vita ny lalana

Fitondrana Rajoelina

3

Manampahaizana amir'ny fanapotehana ny sehatra rehetra

# NY VALOSOA

Gazety misheo intelo isan-kerinandro  
(Talata - Alakamisy - Sabotsy)

## VAO VAO

Talata 26 jolay 2022

Laharana 1323

Vidiny : 500 Ar

**Filoha Ravalomanana**

2

Tsy avelantsika ampahoriana  
toy izao ny vahoaka malagasy



**Hetsika fanavotam-pirenena**

2

Mitohy ny tolona, na misy aza  
ny herim-pamoretana hoy ny RMDM



Asan-gazety sy vehivavy mpitarika

3

Solontenan'i Madagasikara  
any Maraoka i Arphine Rahelisoa



**Boeny, Sofia, Sava**

2

Mametraka ny rafitra isan'  
ambaratonga ao aminy ny Arema



Zandary nitifi-tena tato ho ato

7

Mila mahfantatra ny miaramila  
ny mpitarika...

Atsinanan'i Madagasikara

6

Nanome fitaovam-pitsaboana tobim-  
pahasalamana maherin'ny 100 i Etazonia

**Daka kely**

Tsy avotra intsony nareo,  
ankihibe mitsingolika ve  
dia mankarary fo an'ny lisany  
ry Boaikely a !

## FILOHA RAVALOMANANA

# Tsy avelantsika ho ampahoriana toy izao ny vahoaka Malagasy

**N**osamborin'ny mpitandro filaminana ny sekretora jeneralin'ny antoko TIM Rina Randriamasinoro, sy ny mpandrindra nasiônalin'ity antoko ity Jean Claude Rakotonirina, nandritra ny hetsika ho fanavotam-pirenena natao tetsy amin'ny kianjan'ny Finoana Magro Behoririka ny sabotsy teo, ary notazonina teny Fiadanana mandra-paharivan'ny hariva. Tsy tafiditra tao amin'ny Magro koa ireo nanao ny hetsika ho fanavotam-pirenena izao noho ny fanakanana nataon'ireo mpitandro filaminana, nefà tany mifefy sy tanin'olontsotra ity toerana ity. Nony alina anefa ny andro navotsotry ny fitondrana ihany izy mirahalahy. Nisy ny fanambarana natao teny Faravohitra alin'iny ihany, nataon'ny filoha Marc Ravalomanana: "Manoloana ny herisetra sy ny fisamborana an-keriny natao tamin'ny sekretora jeneralin'ny antoko Tiako i Madagasikara, Rina Randriamasinoro, sy ny Coordonnateur Jean Claude Rakotonirina, dia milaza an'izao amin'ny vahoaka malagasy rehetra aho, milaza an'izao amin'ny firenena rehetra eran-tany. Tsy sahaza, tsy mendrika ny Malagasy ny fihetsika toy izany, fampihorohoroana ireo izay tsy mitovy hevitra aminy, fanaovana fitaovana an'ireo mpitandro ny filaminana, mba hiarovana ny tombontsoany. Hoy aho aminareo hoe: herisetra, ary tonga dia atao fisambotra an-keriny fotsiny izao, alainy amin'ny vozon'akanjony, izany no atao hoe "terrorisme d'état", izany no atao hoe fampihorohoroana, izany no atao hoe tsy manaja sy manitsakaka ny lalamparenana. Ka na inona na inona no lazainareo, efa nipa-ritaka eran-tany ny zava-niseho, ampiše-hoana fa eto Madagasikara dia tsy misy mihi tsy izany fanajana zon'olombelona izany, tsy misy mihi tsy izany hoe fanajana ny hasin'ny maha-olona ny olona izany, ny maha-malagasy azy, ny maha-mpitarika azy. Maneho ny fankasitrahana ireo vahoaka rehetra niara-nientana namaly, ary tonga teny amin'ny toerana nihazonana azy ireo, iray andro maninjitra izy ireo teny foana, fa novotsorana izy ireo satria tsy hita izay saika hilazana azy, saika ho foronina fotsiny ny vesatra hatao amindry

Hetsika fanavotam-pirenena

## Mitohy ny tolona, na misy aza ny herim-pamoretana hoy ny RMDM

Na tsy tontosa aza ny hetsika fanavotam-pirenena, saika natao ny sabotsy teo, teny amin'ny kianjan'ny Finoana Magro Behoririka, noho ny sakana nataon'ny herim-pamoretan'ny fitondrana Andry Rajoelina, hentitra ireo mpitarika ny RMDM: Rodoben'ny Mpanohitra ho an'ny Demokrasia eto Madagasikara, fa mitohy hatrany ny tolona, satria tena efa fadiranovana ny vahoaka Malagasy. Nitafa tamin'ny mpanao gazety tetsy Bel'Air omaly ireo mpitarika ny RMDM. Nambaran'izy ireo nandritra izany fa : "Mitohy ny tolona .... miantso hatrany ny olon-tsotra, fikambana sy antoko politika hamondrona ny hery. Miantso ny HCC handray andraikitra haingana amin'izao tsy fanarahandalana misy eto amin'ny firenena izao. Ampahafantarina aorian'ny fivo-



Ny filoha Ravalomanana nanao fanambarana teny Faravohitra ny sabotsy alina teo.

zareo , ohatran'ny zavatra nanjo ny tany Nosy be tamin'i Ninie Doniah. Tandremo tsara fa fandalovana ny anareo eo amin'io toerana io, tandremo tsara fa ny fampandrosoana firenena tsy maints ao anaty filaminana, fifanakalozan-kevitra, fifampidininhana, efa niantso impiry izahay hoe hisy ny fikaonandoham-pirenena hifampidinihan'ny olona rehetra izay tokony hifampidinika, hifanarahana. Ianareo manao be marenina fotsiny. Mamerina ihany aho ny fanamelohana tanteraka ny fihetsika toy ireny , ary mamerina ihany koa aho ho anareo ao amin'ny HCC, mba jereo raha tena tsy mitanila ianareo, ara-dalâna ve , araka ny lalamparenena ve ireny? Mety ve ireny natao ireny, na dia teny kely aza tsy avoakanareo? Teo ange izahay e! teo aho, mahalala tsara hoe ohatran'ny inona izany fanajana lalamparenena izany toy ny anakandriamaso, fianianana natao izany, mialohan'ny fandraisana andraikitra amin'ny maha filohan'ny Repoblika, fa tsy mangenahena , manao be marenina fotsiny eo. Koa dia miantso ny vahoaka malagasy rehetra aho samy hijoro, ho sahy handray ny andraikitra, fa tsy avelantsika ho ampahoriana toy izao ny vahoaka Malagasy."

Nangonin'Isambilo



Ny RMDM nitafa tamin'ny mpanao gazety omaly tetsy Bel'Air.

riana ny toerana sy ny andro hanohizana ny tolona ho fanavotam-pirenena." Ankoatr'izany, fantatra fa niteraka tsy fahasalamana izy noho ny fifandroritana teo amin'ny mpitandro ny filaminana sy ny vahoaka izay niaro azy tsy ho samborina. Na izany aza, mijoro hatrany izy ary efa niatrika ny tafa tamin'ny mpanao gazety omaly, teny Bel'Air.

Isambilo

ny RMDM Toliara Pasitera Edouard ny fifandrohitany tamin'ny herim-pamoretan-dRajoelina ny sabotsy teo teny Behoririka. Raha niantso fifampiresahana ny mpitondra tenin'ny RMDM, Pasitera Tsarahame Edouard dia tsy nanaiky izany ny mpitandro ny filaminana, fa ny fampiasana hery avy hatrany no nataon'izy ireo. Tojo tsy fahasalamana izy noho ny fifandroritana teo amin'ny mpitandro ny filaminana sy ny vahoaka izay niaro azy tsy ho samborina. Na izany aza, mijoro hatrany izy ary efa niatrika ny tafa tamin'ny mpanao gazety omaly, teny Bel'Air.

Isambilo

kretera nasionalin'ny antoko Arema Anick Ratsiraka, fa hitohy any amin'ny faritr'i Melaky sy ireo hafa tsy mbola nale-

han'izy ireo izao fitetem-parity ny antoko izao.

Niaina

Boeny, Sofia, Sava

## Mametraka ny rafitra isan'ambaratonga ao aminy ny Arema

Teny nifanomezana tao anatin'ny antoko Arema ny fitetezana faritra, amin'izao fotoana itantanan'ny sekretora natioly Anick Ratsiraka izao . Efa faritra maro no nisi-traka izany, fa nandritra iny herinandro lasa iny dia ny faritry Boeny sy Sofia ary Sava no nahazo izany. Ny tao amin'ny faritr'i Boeny dia nifarana ny

sabotsy teo ny dian'ireo delegasiona, izay nahi-tana ireo comité directeur ny antoko ary ny sekretora natioly Anick Ratsiraka no mpitarika. Mitovy ny tanjona amin'izao fitetezam-paritra izao dia ny fanentanana sy fankasitrahana ireo biraon'ny Arema rehetra izay efa mijoro. Teo ihany koa ny fametrahana ireo

rafitra rehetra isan'ambaratonga dia ny vehivavy Arema ny Tanora ny Varema sy ny maro hafa... Natao ihany koa izao ho famangiana ireo akanin-jaza izay mbola mijoro any amin'ny faritra, toy ny tany Antalaha sy Nosy be izay natsangan-dRama-toa Celine Ratsiraka tanjin'ny fotoan'androany . Isan'ny tena mbola ma-

tanjaka amin'ireo akany manodidina ny 77 tantanin'ny Arema ny Akanisoa ao Antalaha. Efa tany amin'ny taona 1984 izy io no nitsangana ary efa mrobe ireo mpianatra nandalo tao, manodidina ny 300 isan-taona ireo mandato fahalalana sy beazina ao amin'ity akany ity raha ny fanazavana hatrany. Nanamafy ny se-



Manohy ny fitsidiham-paritra koa ny mpitarika ny antoko Arema

Ny Valosoa sy fakafaka

## Antoko politika Mila mahay manavaka ny vary sy ny tsiparifary ny vahoaka

Efa maro ireo antoko politika mahatsapa fa tsy mandeha amin'izay izy intsony ny fitantanana ny fiamnam-pirenena eto ary miha fadiranovana hatrany vahoaka malagasy amin'ny ankapobeny tato ho ato. Tonga saina sy mihevitra araka izany izy ireo, fa tena ilaina ny mifanatona sy midinika ny amin'izay hivoahana amin'izao lavaka mangitsoktsoka izao sy hanavotana ny firenena sy ny vahoaka malagasy. Avela araka izany izay tsy fitovian-kevitra any aloha, fa efa loza izao loza mihiatra amin'ny firenena izao no tsy maintsy atao vainedohan-drahara. Mpanao politika mahatsiaro ho tomponandraikitra marina eto amin'ny firenena ny manana izany toe-tsaina izany. Tsikaritra ihany anefa, fa misy antoko politika mbola manao politika tsy miraika amin'izany, ary manahirana mihi tsyaza ny fahitana na ny fahenoina ny fomba fiheverany. Iray amin'izany ny antoko Arema izay nirodorodo tany amin'ny fahitalavitra tsy miankina iray naneho ny fijeriny sy politika ataony. Anisanay nanaitra ny nambaran'ny mpikatroka iray izay nampibaribary ny mbola ao an-tsain'izy ireo amin'ny raharaha politika eto amin'ity firenena ity. Tamin'ny filazany no nahatarafana mazava tsara fa mbola tra-raiky any amin'ny taona 2002 ny lasin-tsain'izy ireo. Toe-javatra tamin'ny 20 taona lasa no mbola hame-trahana ny tongotra ka ilazana fa hoe manana trai-kefa entina hampandrosoana ity firenena mahantra ity. Tsy tafavoaka izany fomba fiheverana izany na hihodin-kavia na hihodin-kavanana eo. I Madagaskarantsika ity efa lazain'olona fa afaka 70 taona va hahatratra ny fari-piainan'ny vahoaka Roandey, dia mbola izany tany amin'ny 20 taona lasa izany ihany ny an'ny sasany no ifaharan'ny fisainany hatramin'izao. Izany ve tsy hampihisatra ny fiarenana sy ny fandrosoan'ny firenena bebe kokoa noho izao, ka ho siekla iray mihi tsy indray vao hahatratra ny politikam-pampandrosoan'i Paul Kagamé.

Raha mbola tsy miova mazava, fiovana lehibe mihi tsy ny toe-tsain'ny mpanao politika fa mbola hifamingana eto no masaka an-doha, dia ho toy izao hatrany ity firenena mahantra ity na ho taonjato maro hifanesy aza. Mpanohariana na fanetriben'ny firenena mihi tsy no azo ilazana ny mpanao politika manana toe-tsaina toy izany, ary tokony iatahan'ny vahoaka, fa « hamono » azy. Mitaky toe-tsaina vao-vao mihi tsy, fomba fisainana vaovao mifandraika amin'ny vanim-potoana ankehitriny no mendrika ho an'ny vahoaka malagasy. Manana olona amin'izany ny firenena fa anjaran'ny vahoaka no manavaka ny vary sy ny tsiparifary eo amin'ny sehatra politika.

Sôh'son

han'izy ireo izao fitetem-parity ny antoko izao.

Niaina

## Ny Valosoa sy hadihady

## Fitondrana Rajoelina

**Manampahaizana manokana amin'ny fanapotehana ny sehatra rehetra**

**N**ahagaga ihany ny nahita tao amin'ny gazety iray mpiseho isan-kerinandro, izay nanao matohan-dahatsoratra nilaza fa ny Filoha Ravalomanana Marc, no namotika ny toekarena sy ny demokrasia eto Madagasikara. Asa raha mahafantatra ny tena hevity ny voambolana « demokrasia » ny mpanoratra, satria teny vahiny nadika izy io. Angamba tsy mahay ny singa manodidina ny toekarena ihany koa ny mpanao gazety nanoratra izany. Raha hiresaka demokrasia dia tsy tamin'ny fitondrana tetezamita velively no nanjaka teto izany, satria tsy afaka naneho hevitra ny tsy nankatoa izany fitondrana izany. Porofon'izany ny nanopazana baomba mandatsa-dranomaso ny Filoha teo aloha Zafy Albert teny Anosy. Tsy demokrasia no nanakatona ny Kianjan'Ambohijatovo, rehefa teo no naneho ny heviny ireo nanohitra ny fanakanana ny famerenana ny Filoha Ravalomanana Marc teto an-tanindrazana, satria olompirenena manana zo feno niverina teto izy. Ny filohan'ny Repoblika, Rajoelina Andry, anefa no nitokana io Kianja io ho « Kianjan'ny Demokrasia », nialohan'ny nanonganany ny Filoha Ravalomanana Marc. Nolatsahana baomba manatsa-dranomaso ihany koa ireo nitaky izany fiverenan-dRavalomanana Marc izany tao amin'ny Kianjan'ny Magro, Behoririka. Nisy ireo nauditra am-ponja teny Tsiafahy tamin'ny Repoblika III-2, tsy noho ny antony ara-politika, satria “délit des droits communs” (taratasim-bola tsy misy antoka, sns,...) no vesatra niampangana ny sasany. Raha tsy nisy demokrasia teto nialohan'ny fanonganam-panjakana dia tsy afaka nigelabona teo Ambohijatovo Rajoelina Andry sy ny mpanohana azy tamin'ny taona 2009. Tsy ho tafiditra teo amin'ny Kianjan'ny 13 Mey ihany koa ireo. Tsy fahafahana maneho hevitra ihany no azo ilazana fa manjaka ny demokrasia, satria ny hetsika rehetra eo amin'ny fitantanana ny Firenena dia iaraha-manapaka (consensuel) avokoa kanefa tsy nisy izany tamin'ny tetezamita izany, fa nitondra baolina sy nanapa-kevitra irery Rajoelina Andry sy ny ekipany. Raha tiana handroso ny Firenena dia eo ny fahendrena Malagasy mampianatra fa « ny hevity ny maro mahatakdavitra ». Ambonin'izany dia ny vahoaka no tompon'ny fahefana, ka rehefa misy fanapahan-kevitra raisina mifanohitra amin'ny tombontsoany dia afaka maneho izany amin'ny fotoana sy toerana mety aminy. Iaraha-mahita ny hetsi-bahoaka any amin'ireo firenena mandaala izany demokrasia izany. Raha tsy nanaja ny

demokrasia ny Filoha Ravalomanana Marc dia no meny ny “garde presidential” (GP) ny nandrava ny hetsika rehetra notarihan-dRajoelina Andry tamin'ny taona 2009. Fanajana ny lalana ihany koa ny demokrasia, ka raha tsy nandala izany Ravalomanana Marc dia tsy nanaiky ny didy navoakan'ny Fitsarana Avo momba ny Lalampanorenena, fa nitaona ny vahaoka nanohitra izany noho ny tsy fanarahen-dalana nisy nandritra ny fididianana farany. Tsy izay ihany no azo lazaina raha ny demokrasia no resahaha kanefa ampy ireo aloha. Raha ny resaka toekarena indray dia ho porofoina fa tsy namotika ny toekarena ny fitondrana Ravalomanana Marc. Naely teto amin'ny Firenena fa nanao ampihimamba ny Filoha Ravalomanana Marc ary nampifangaro ny fitantanana ny orinasany sy ny fitantanana ny firenena. Ny marina dia raha tsy izy no nanangona ny vokabary tany Alaotra ohatra dia ny mpijirika no nametra ny vidi'izany toy izay nainan'ny tantsaha talohan'izany. Ny tahan'ny harinkarena dia 7,2% tamin'ny taona 2008 teto amin'ny Firenena, ka tsy potika izany ny toekarena tamin'ny fitondrana Ravalomanana Marc, fa niroborobo fatratra. Tamin'ny taona 2021 dia niiba 7% ny tahan'ny harikarena. Tsy nikaikaika toy izao noho ny fidangan'ny vidim-piaianana misy ankehitriny teto Madagasikara, satria variana manangana fotodrafitsara tsy miteraka fampandrosoana ny mpitondra ankehitriny. Tsy misy tsy mahalala fa ny lalana no ahazoan'ny vokatra mifamezivezy, izay midika ho manome hery ny fifanakalozana ara-bola. Niroborobo avokoa ireo orinasam-pirenena tamin'ny fitondrana Ravalomanana Marc: Air mad, Jirama, Fanalamanga, Sirama, Secren, sns,... Aiza ireo orinasa ireo amin'izao fitondrana Rajoelina izao ? Potika tanteraka ka na voaroaka ny mpiasa na tsy voaloa ny karamany. Anisan'ny taratry ny fahapotehan'ny toekarena izany, ka izao fitondrana izao no tomponandraiktra amin'izany, satria voahodinkodina any amin'ny tsy alehany ny vola tokony hanarenana ireo orinasa ireo, satria bizina no manjaka ao amin'izao fitondrana izao. Potehina ihany koa ny mpitaitra satria hirika iray ha-hazoan'ny fitondrana Rajoelina Andry hanaovana bizina indray ity sehatra ity. Miverin-dàlana ny kôperativan'ny fitaterana, ka maro ny mamerina ny saran-dàlana ho eninjato ariary satria “aleo toko, angamba, mihinan-kely toy izay mandry fotsy” araka ny fitenenana.

Andry Tsiavalona

## FILOHA RAVALOMANANA

**Tsy misy fampandrosoana raha tsy vita ny lalana**

Ny filoha Marc Ravalomanana tany Ambohitrandriamanitra.

Nitsidika ny tany Ambohitrandriamanitra, distrikan'i Manjakandriana ny herinandro teo ny filoha Marc Ravalomanana, filoha nasiônal'ny antoko TIM, sady filohan'ny rodoben'ny mpanohitra RMDM. Nambarany tamin'izany raha nihaona tamin'ireo vahoaka marobe tany antoerana fa: "Tsy namekalo raha tsy tonga aty aho na dia teo aza ny haratsindalana sy ny sakantsakana. Averiko foana fa tsy misy fampandrosoana azo antenaina eto raha tsy vita ny lalana." Ratsy dia ratsy tokoia izany lalana mihazo ity kaominina ity izany, ka nitrainan'ny vahoaka tamin'ny filoha Ravalomanana. Nihaino ireo hetaheta samy hafan'ny va-

hoaka koa izy amin'izao fahasahiranana lalina maha zo ny rehetra izao, noho ny fiakaran'ny vidim-piaianana nefo tsy ahitany fitondrana Rajoelina.

Isambilo

Asan-gazety sy vehivavy mpitarika  
**Solontenan'i Madagasikara any Maraoka i Arphine Rahelisoa**

Tanteraha any Benguerir any Maraoka amin'izao fo-toana ny kaonferansa iraisam-pirenena faha-49, an'ireo mpanao gazety sy ireo mpiasa amin'ny sehatra ny serasera miteny sy mampiasa ny fiteny Frantsay, na ny “49e Assises internationales de la Presse franco-phone”. Loha-hevitri'izao fikaonandoha iraisam-pire-nena izao amin'ity taona ity ny hoe : “Leadership féminin au sein des médias; rôle des médias dans le renforcement du leadership des femmes”, na “ny vehivavy mpitarika ao anivon'ny asan-gazety; ny anjara asan'ny asa fanaovan-gazety ho amin'ny fanateve-nana ny fahaiza-mitarika eo amin'ny vehivavy”. Solon-tenan'i Madagasikara amin'izany kaonferansa iraisam-pirenena izany i Arphine Rahelisoa, mpanao gazety, talen'ny famoahana ny gazety Ny Valosoa Vao-vao. Handray fitenenana amin'izany fikaonandoha iraisam-pirenena izany izy anio mandritra ny dinika an-databatra borbory laharana faha-4 mandritra ity fi-haonambe iraisam-pirenena ity. Ny loha-hevitri ho voaboasany amin'izany dia : “Les femmes journalistes dans les zones de crises/conflicts (y compris la crise sanitaire),” na ny vehivavy mpanao gazety amin'ny toerana mandalo krizi, na misy ady (ao anatin'izany ny resaka krizi ara-pahasalamana). Ho voaresaka amin'izany ny hasarotry ny asa, ny risika, ny mety ho fiarovana amin'ny fanaovana ny asa, ny andraikitry ny asa fanaovan-gazety, ny tsy famelana ny mpanao gazety hamoaka vaovao ary ny tsy fahampian'ny mpanao gazety manam-pahaizana manokana momba ny resaka valanaretina. Vehivavy maromaro eto amin'izao tontolo izao izy ireo no hivaofy ireo loha-hevitri ireo, anisan'izany : Laure Siegel, mpanao gazety, corres-pondante Médiapart/Arte (Birmanie) ; Aneta Gonta, filoha lefitry ny Conseil de l'audiovisuel (Moldavie) ; Arphine Rahelisoa, talen'ny famoahana ny gazety, Ny Valosoa Vaovao(Madagasikara) ; Lailuma Sadid, mpanao gazety, Morning Newspaper (Afghanistan) ; Shayda Hessami : tale jeneraly ny Association Aide Humanitaire et Journalisme (AHJ) (Frantsa). Ny mpanentana ny ady hevitra dia: Ramatoa Pamela Morinière, tompon'andraikitry ny serasera ao amin'ny FIJ (Belgique).

Ho an'i Madagasikara manokana, ho resahan'i Arphine Rahelisoa ny fampidirana am-ponja tsy ara-drariny azy, nataon'ny fitondrana Rajoelina, nandritra ny krizi ara-pahasalamana nanomboka teto amintsika ny taona 2020.

Ny kaonferansa iraisam-pirenena ho an'ireo mpanao gazety amin'ny tany miteny sy mampiasa ny fiteny Frantsay ireo dia efa nisy nandritra ny 70 taona teto amin'izao tontolo izao, mahatratra 250 ka hatramin'ny 300 ny mpandray anjara amin'ny ady hevitra isan-taona, mandritra ny hateloana.

Stefan

**TONONKALO****Angano tsisy farany**

Tsy nahomby angaha ny fika  
Momba ny teleferika  
Ka dia fiarabe indray  
No hampiesoninao anay ?

Ny lalana no hatsarao  
Vao mikabary aloha ianao.  
Sa fiara tsy mitehin-tany  
Izany vao ho avy izany ?

Irety fiara salantsalany,  
Efa sarotra ny lalany,  
Nefi fiarabe no ho avy ?  
Sao dia resaka matavy !

Ireto mpitaitra hattrizay  
Hanjary very asa indray,  
F'izany ve ilay tena bizina :  
Olom-bitsy no hatavizina ?

Mba mihevera Rainilainga.  
Hatreto mantsy tsisy miainga  
Fa mijanona ho angano  
Ireto rehetra velirano !

# An-tsary misongadina Ny Valosoa Vaovao

L. William, Rakotobe Michel

Ny filoha Marc Ravalomanana nitsidika ny tany Ambohitrandriamanitra Manjakandriana ny herinandro lasa teo.



Ny tafa tamin'ny mpanao gazety nataon'ny RMDM omaly, teny Bel'Air.



Feno mpitandro filaminana, herim-pamoretan'ny fitondrana Rajoelina, teny Behoririka sy Analakely ny sabotsy teo.



Ny fitsidiham-paritra nataon'ny mpitarika ny antoko Arema ny herinandro teo: tany Boeny, Sofia ary Sava.





## NY TENY FIANANA

"Ny famaliana mora dia mampianina ny fahatezerana mafy; fa ny teny maharary mahatonga fahasosorana."

Ohabolana 15:1

## 1/8-DALANA RUGBY À 7 VEHIVAVY ERAN-TANY

## I Australie no hihaona amin'ny Makis 7s Malagasy

Fantatra ankehitriny fa ny ekipan'ny rugby à 7 vehivaviny Australie no hifanandrina amin'ny Makis 7s eo amin'ny lalao 1/8-ndalan'ny lalao Rugby fidaiana ny ho tompondaka eran-tany 2022 andiany faha-8 izay atao any Afrika Atsimo ny 09 hatramin'ny 11 septambra 2022 ho avy izao. Amin'ny zoma 09 septembra 2022 no hanatanterahana ny lalao ao amin'ny kianja "Cape Town Stadium du Cap, en Afrique du Sud".

Rainilita



Makis 7s vehivavy.

## Basket Asief Analamanga 2022

## Fantatra ireo hanao lalao 1/2-famaranana

Taorianan'ireo lalao notontosaina tetsy amin'ny kianja "Terrain Toby Ratsimandrava" tamin'ny sabotsy 23 jolay 2022 lasa teo dia fantatra avokoa ankehitriny ireo ekipa hanao lalao 1/2-famaranana sokajy vehivavy sy veteran eo amin'ny fifaninanana Basket Asief eto Analamanga taona 2022.

Voka-dalao azo tamin'io sabotsy 23 jolay 2022 io :

1/4 de final dame :  
MINAE (42) - MEN (34), SANTE (50) - MJS (34), CUA (15) # MEF (17), EMA (36) - MEDD (31),

1/4de final veteran :  
MEDD (49) - GN (65), UA (54) - MEF (42), MID (34) - JIRAMA (45)  
MSP (61) - SENAT (47),

1/8de final jeune :  
TRESOR (60) - MAM (45), PRIMA (67) - APMF (29), EMA (76) - MINAE (41), MATSF (51) - UA (46), DGFA (48) - METFP (34), PRM (62) - MEN (59), MTEFPLS (44) # MESUPRES (33), MJS (53) # DGI (46).

Rainilita



Basket Asief Analamanga.

## Amboara CAN Féminine de Football 2022

## Ny Banyana Banyana Afrikana Tatsimo no nibata azy

Ny Banyana Banyana Afrikana Tatsimo no nibata ny amboara « CAN Féminine de Football 2022 » tamin'ny sabotsy 23 jolay 2022 lasa teo tao amin'ny kianja « stade du Prince Moulay Abdellah » any Maroc rehefa nandresy an'i Maroc mpampiantrano tamin'ny isa 2-1

izay baolina matin'ilay lohalaharana Hildah Magaia avokoa.  
In-5 nisesy nanao lalao famaranana tamin'ity fifaninanana ity ny Banyana Banyana Afrikana Tatsimo vao izao nandrombaka an'ity amboara ity izao tamin'ity taona 2022 ity.

Rainilita



Ny Banyana Banyana Afrikana Tatsimo.

## Sergei Judo Camp 2022

## I Samantha sy Mirado no ho any Suisse



My Judokas Samantha sy Mirado.

I Samantha ( cadette -52 kg ) sy Mirado ( cadet - 66 kg) no hisolo tena an'i Madagasikara hiatrika ny « Sergei Judo Camp 2022 » izay « stage annuel » « karakarain'ny Fédération Internationale du Judo » miaraka amin'ny « Association Sergei Judo Camp » izay ho tontosaina any Suisse amin'ity taona 2022 ity ka i Râle vazaha Em, « directeur de l'éducation » eto amintsika no hiandraikitra ny « encadrement » an'izy ireo amin'izany. Marihana fa ity « Camp » ity dia natao hanaovana « Stages de judo » hifanakalozan'ny mpiangaly Judo traikefa sy hanatrehan'izy ireo teknika hafa ihany koa.

Rainilita

## Sakafo Ny Valosoa



Soflera na Choux fleur sy henakisoa indray, no Sakafo eto amin'ny gazetinao androany. Hatao ketsaketsa izany. Tsara raha hasiana lasary voatabia, na lasary tômatty miaraka aminy. Dia mazotoa homana tom-poko.

## NY VALOSOA sy Mahasoa

## Fomba natoraly fanalana rehoka, kohaka




Fomba natoraly fanalana rehoka, kohaka, manana olana amin'ny taovam-pisefoana , astmatique indray, no Mahasoa eto amin'ny gazetinao androany. Zavatra ilaina:

Rano mangotraka 1 vera, sakamalao 5 cm ny halavany, kikisana na totoina miaraka amin'ny hodiny, famila madio sy voasasa tsara. Tantely 1 sotro lehibe. Alaina ny sakamalao voatoto na voakiky dia atao anaty rano 1 vera avy nampagotrahana, saronana, avela eo manditra ny 5- 10 min, tatavanina, dia hasiana tantely, sotroina mafana, isa-maraina no hisotroana azy. Atao mandritra ny 2 herinandro.

## NY VALOSOA sy Mahaliana

## Ny tanànan'Andrebakely Est, any amin'ny distrikan'Amparafaravola faritra Alaotra Mangoro



Ny tanànan'Andrebakely Sud, any amin'ny distrikan'Amparafaravola faritra Alaotra Mangoro indray, no Mahaliana eto amin'ny gazetinao androany. Renivohtry ny kaominina Andrebakely Sud ity tanàna ity, iray amin'ireo kaominina miisa 13 mandrafitra ny distrikan'Amparafaravola. Amin'ny renirano amin'ny faritra andrefan'ny lemak'Alaotra no misy azy, anelanelan'ny kaominina Morarano Chrome, sy Ampasikely. Lalavan'ny lalampirenena RN3a Andrebakely Sud. Efa azo lazaina ho avo toerana izy, satria 767 m ny haavony mihatra amin'ny ranomasina. Misy fokontany 6 Andrebakely Sud, dia Andrebakely, Ambodifarihy, Antaniamalalaka, Andranombainga, Andilambarika ary Ambongabe2. Vokatra any ny vary, ny haninkotrana isan-karazany toy ny mangahazo sy katsaka. Mpiompy akoho amam-borona koa ny mponina.

## ATSINANAN'I MADAGASIKARA

## Nanome fitaovam-pitsaboana ho an'ny tobim-pahasalamana maherin'ny 100 i Etazonia

Nanolatra fitaovam-pitsaboana sy koja-koja ara-pahasalamana maro samihafa ny vahoaka amerikanina, tamin'ny alalan'ny Sampan-draharaha Amerikana misahana ny Fampandrosoana Iraisampirenena (USAID), ho fampitao-vana tobim-pahasalamana miosa 116 manerana ny distrika 7 any amin'ny faritra Atsinanan'i Madagasikara.

Mitentina 650.000 dolara (2,7 miliara ariary) ny fanomezana ary ampahany amin'ny fanampiana arapitaovana izay sahanin'ny USAID, ka mitentina 8,2 tapitriza dolara (34 miliara ariary) ho an'ny tobim-pahasalamana sy hopitaly manerana an'i Madagasikara.

"Miara-miasa amin'ny Governemanta eto Madagasikara tahaka ny 'mpirahalahy mianala' ny USAID amin'ny fananganana rafitra ara-pahasalamana mahavelona, mba hahazoan'ny Malagasy rehetra tombontsoa amin'ny fikarakarana araphasalamana mahomby sy maharitra", hoy ny Dr Hajarijaona Razafindrafito, Tale Leftry ny biraon'ny fahasalamana ao amin'ny USAID/Madagasikara. "Manohana ny hetsika isam-paritra ataon'ny Minisiteran'ny Fahasalamam-bahoaka amin'ny alalan'ny fiziana kojakoja ilaina sy fia-taovana ilaina amin'ny tobim-pahasalamana any



Fitaovam-pitsaboana nomen'ny Amerikana.

amin'ny faritra 14 izahay". Ahitana fandriana sy kidero an-jatony ireo fitaovana ara-pahasalamana natolotra tamin'ny fomba ofisialy ny zoma lasa teo, ary koa fitaovana avolenta, mba hahazoana antoka fa hahazo tolotra ara-pahasalamana manara-penitra ny maray mamonjy toeram-pitsaboana eny ifotony. Ny fitaterana ny fitaovam-pitsaboana tamin'ny zoma lasa teo dia ntao tamin'ny alalan'ny fiarahamiasa teo amin'ny fandaharanasa ACCESS izay vatsian'ny USAID vola sy ny Projet CURE, izay fikambana tsy miankina any Etazonia,

manome fanampiana araphasalamana ho an'ny firenena an-dalam-pandrosoana. Ny fanomezana manaraka dia hatao mandritra ny volana aogositra 2022, any amin'ny faritra Melaky ary any amin'ny faritra Analanjirrofo ny volana septambra 2022. Ankoatra ny fanomezana fitaovana, ny fandaharana ACCES dia manome fanohanana arateknika ho an'ny Minisiteran'ny Fahasalamam-bahoaka amin'ny fanatsarana ny rafitra sy ny fotodrafirasa ara-pahasalamana, ahafahan'ny mpisan'ny fahasalamana mantsara ny kalitaon'ny to-

lotra, indrindra ho an'ny reny sy ny zaza, ho fano-hanana ny vina nasionalin'i Madagasikara manao hoe: "Fahasalamana ho an'ny rehetra, amin'ny taona rehetra." Ny Governemanta Amerikana dia manampy amin'ny fanatsarana ny fahasalaman'ny vahoaka malagasy amin'ny alalan'ny famatsiana 85,5 tapitriza dolara tamin'ny taona 2021, mba hanatanterahana tetikasam-pahasalamana manerana an'i Madagasikara. I Etazonia no firenena mamatsy vola betsaka indrindra ho an'ny sehatry ny fahasalamana eto Madagasikara.

Aly

Dr Rakotonely Domoina

## Manome torohevitra ara-pahasalamana amin'izao ririnina izao



Ny Dr Rakotonely Domoina.

Betsaka ny olona torana vokatry ny fampirehetana arina fandrehitra ao an-tokatrano amin'ny alina, amin'izao vaninandro ririnina izao ary misesisesy ny antso voarain'ny Dc Rakotonely Domoina amin'ny famonjena ny ain'ny olona vokatrizany arina fandrehitra izany. Nanazava ity mpitsabo ity fa mahasempotra sy mahafaty ny entona avokan'ny arina fandrehitra sy ny "Gaz combustible" ka tokony ho vonoina tanteraka izy ireny alohan'ny matory amin'ny halina ary mahazatra ny olona no mampirehitra arina ao an-tokatrano mba hahazoana hafanana amin'izao andro mangatsiaka izao. Nanamafy ny Dr Rakotonely Domoina, raha sanatria ka misy olona torana vokatry ny arina fandrehitra ao dia sokafana haingana ny varavarana rehetra, esorina ireo za-

an'izany dia tokony hahe-nan'ny tanora ny fisotroana toaka sy ny fifohana sigara amin'izao andro mamirifiry izao, satria tsy tsara ho an'ny fahasalaman'ny vatana fihananana izany, indrindra rehefa tsy ampy sakafio ary tokony handanjalanja ny zavatra hohanina ny olona, fa mahapotika ativava sy ny nify ny fihananana sakafio mafana be loatra amin'izao andro ririnina izao. Nanohy fana-zavana ity mpitsabo ity fa tokony tsy hitsahatra ny midio amin'ny rano matetika ny vatana amin'izao vaninandro ririnina izao, satria manelingelina ny fiaraha-monina ny fiakaran'ny fofona ary tsara kokoa ho an'ny olona iray ny misotro rano matetika, satria miteraka aretina hafa ny tsy fahampian-drano eo amin'ny vatolombelona iray.

Franck Razakambelo

sorana "Alcool" ny vavona ary miantso mpitsabo haingana. Ankoatra

Championnat du monde d'Athlétisme 100m haies

## Laharana faha-28 no azon'i Fiadanantsoa Sidonie

Laharana faha-28 no azon'ny athleta Malagasy, Fiadanantsoa Sidonie Valdez, tany amin'ny fiatehreana ny haza-kazaka « 100m haies féminin » teo amin'ny fiadianany amboara eran-tanin'ny atletisma andiany faha-11 natao tany Oregon Eugene Etats-Unis.

Marihana fa tsy nahatratra ny fe-potoana tsara 13"34 sy ny fe-potoana « meilleure performance de la saison de 13"42 » vitany i Sidonie fa tamin'ny fe-potoana 13"57 izay 1"17 taorianan'ilay vehivavy Nigeriana niaranifaninanana taminy ary nandrombaka ny fandresena no vitan'i Sidonie tamin'ity fifaninanana ity. Filaharana ankabobeny tamin'ity 100m haies vehivavy ity :

- 1 Tobi Amusan (Nigeria) 12"06
- 2 Britany Anderson 12"23
- 3 Jasmine Camacho-Quinn 12"23

Rainilita



Fiadanantsoa Sidonie.

Basikety U18, 2022 vehivavy

## Tamin'ny alahady no tonga any Antsirabe ny Ankoay

Tamin'ny alahady 24 jolay 2022 hariva no tonga any Antsirabe, rehefa nandalo fotoana fohy tao Ambato-lampy (notoloran'ny Solombavambahoaka Rakotomala Miarintsoa "RaMim's" vatsin-dalana sy tolo-tanana ho fanohanana azy ireo ny mpilalao basiketin'ny Ankoay U 18 vehivavy Malagasy izay niara-dalana tamin'ny Delegasion'ny Federasiôna Malagasy Basketball (FMBB) hanainga teo Antananarivo tamin'io alahady io ny maraina.

Ity ekipan'ny U18 Zazavavy Ankoay ity dia tsiahivina fa hiatrika ny fifanintsanana sokajy vehivavy hatao any Antsirabe amin'ny fifaninanana Afrobasket U 18 2022. Nandray sy niarahaba ny delegasiôna tao Antsirabe kosa ny tompon'andraikitra ao an-tanana notarihan'ny Talem-parity ny Fanatanjahantena ao Vakinaratra sy ny mpitantana basikety ao Antsirabe notarihan'ny Filohan'ny CRA (Mpitsara Basketball) ao Vakinankara-tra.

Rainilita



Ankoay U18 vehivavy 2022 tonga tany Antsirabe.

# Mpiandry raharaha

PHARMACIES DE GARDE  
16/07/2022 hatramin'ny  
23/07/2022

- TSARA (Andavamamba,  
route pavée) 020 22 347  
12/034 21 111 14

- DE LA PERGOLA (Antani-  
narenina) 020 22 237 17 /  
034 19 733 95 / 033 51 510  
70/032 58 835 49

- HERIZO (Antanimena face  
Eglise Catholique) 020 22  
697 22

- ITOKIANA (Manakambha-  
hiny) 020 22 322 64/034 84  
322 64

- RABARISOA (Andravo-  
hangy près BOA ex imm  
SOLOPRIX) 020 22 229  
86/034 07 229 86

HJRA (urgences) :  
033 11 890 58 /  
22 279 79

HOMI Soavinandriana :  
22 397 51

Hopitaly Befelatanana :  
22 223 84 / 22 6 N72 21

Hopitaly  
Loterana Ambohibao :  
22 441 88 / 22 485 17

Clinique des Soeurs  
Ankadifotsy : 22 235 54

Ambulances municipales :  
22 200 40

Jirama:  
Telma : (22)3547 (n° vert) /  
Airtel : 033 35 47 /  
Orange : 032 32 3547

Pompiers :  
Tél : 118/ 22 250 18/  
22 225 66

Police :  
Hôtel Central de Police :  
17 / 22 227 35 / 22 357 09

1° Arrondissement  
Tsaralalana : 22 280 54  
2° Ambanidra : 22 309 46  
3° Antaninandro : 22 291 30  
4° Isotry : 22 280 51  
5° Mahamasina : 22 280 48  
6° Ambohimaranina :  
22 225 52  
7° 67 Ha : 22 291 29  
8° Analahitsy : 22 493 25  
Brigade criminelle :  
22 216 78 / 22 210 29 /  
22 674 83 na 84

GIR : 22 227 35

Gazetim-baovao miseho  
intelo  
isan-kerinandro  
Vidiny: 300 Ar  
Adiresy: lot T 70 Ankadindratombo

TALEN'NY FAMOAHANA :  
Rahelisoa A.  
034 79 07600

## MPANAO GAZETY

**Politika:**  
Isambilo: 033 24 783 65  
Rajo: 033 80 022 53  
Andry Tsialvalona 032 07 744 55

**Toe-karena :**  
Aly : 033 18 382 88

**Kolontsaina:**  
Aris: 034 17 460 53  
Beharo : 032 02 557 89

**Fanatanjahantena:**  
Lita: 033 41 557 69

**Mailaka:**  
gvalosoa@yahoo.com  
**NATONTAN'NY**  
Imprimerie de la RN7

Fametrahana 1323-07-2022  
Isan'ny natonta: 10 000

Tsy azo adika, na alain-tahaka,  
na antsaina amparahibemaso  
raha tsy ahamoana alalana vita  
soratana ny ampiatitra

## RAKOTOSON DANNY

# Hisy voka-dratsiny amin'ny mpitatitra sy ny mpanjifa ny faneren'ny fitondrana

**A**hiana hitombo ny lozam-pifamoivoi-zana ateraky ny fiara Taxi-be afaka keli-kely eo, nohon'ny fahsimban'ny fitaovan'ny fiara, ohatra : fahatapanhan'ny «Frein» sy «Transmission»... hoy Andriamatoa Rakotoson Danny mpandrahahara sy mpanao politika. Nanohy fana-zavana ity farany, fa tsy afaka hanatsara ny kojakojan'ny fiarakodia «Taxi-be» intsony ny mpandrahahara mpitatitra raha toa ka mbola teren'ny fitondram-panjakana hanaraka ny baikony, amin'ny famerana ny saran'ny fitaterana ireto farany ary hiteraka fiantokta ho an'ireo mpandrahahara ny fampihenana ny saran-dalana ataon'ny fitondram-panjakana, kanefa miakatra izay tsy izy ny vidin'ny solika. Nanazava Andriamatoa Rakotoson Danny, fa mipetraka foana ny lalànan'ny tolotra sy ny tinady rehefa miresaka tsena ary mikaonty ao anatin'ny fanaovana fandrahahana ny fisondrotry ny saran'ny




Rakotoson Danny, mpandrahahara sady mpanao politika.

kojakojan'ny fiara, ny fia-karan'ny vidin'ny solika, ny karaman'ny mپiasa, sns... Nampitandrina ity mpandrahahara ity, fa ho goragora ny fikojakojana ny fitaovan'ny fiara mpitatitra raha mbola miziriziry amin'ny heviny ny mpanjifa ihany no hizaka ny vokany, raha sanatria ka misy lozam-pifamoivoi-zana, nohon'ny tsy fahatombanan'ny fitaovan'ny fiara «Taxi-be». Nana-mafy Andriamatoa Rakotoson Danny, fa tokony hojerent'ny fitondram-panjakana ny tsy hahafaty ny tombom-barotra «Marge bénéficiaire» azon'ny mpandrahahara mpitatitra.

Razakambelo franck

## BEHARO

### Teny tondro (Ny Valosoa Vaovao) N° 400



Misy ny teny Malagasy ofisialy sy ny tenim-paritra

Ohatra : Valy = Vady

### Valliny Teny Tondro (0399)

#### Mitsivalana

- Pasitera
- Ila (miv) – Ro
- Olomanga
- Moka – Oh
- Aizina
- If – Dia (miv)
- Trano (miv)

#### Mitsangana

- Paompy
- Allo – Fo
- Sioka
- Maika
- Tra
- Noe (miv)
- Tay (miv)
- Gony
- Alahady

Zandary nitifi-tena tato ho ato

## Mila mahafantatra ny miaramila ny mpitarika hoy ny jeneraly Ramasitera Ny Haingo

Manoloana ny zandary nitifi-tena tato ho ato, sy nisy ihany koa nitifitra ny vady aman-janany, naneho ny heviny mahakasika izany, sy manolotra soso-kevitra ny jeneraly Ramasitera Ny Haingo. Mila mahafantatra ny miaramila ny mpitarika hoy izy. «Misy andraikitra tsy nety ihany tao matoa nisy ireny. Andraikitry ny lehibe isan-karazany ny mahalala ny olan'ny miaramila». Manna adidy amin'ny famantarana ny olan'ny miaramila tsirairay ny mpitantana dia mifanampy avy eo. Efa tafiditra ao anaty toromarika rahateo ny hoe mila mahalala ny olan'ny miaramila ny kaomandy, hoy hatrany ity manamboninahitra ambony ity. Marina fa efa misy hoy izy ny fanofanana ara-moraly nefo mbola nitranga ihany ny zavatra toy izao. Mety ilaina koa angamba ny fanabeazana ara-pinoana. Mafy ny asan'ny zandary mety misy tery ara-moraly, eo koa ny filàna ny valin'ny asa natao», hoy izy raha naneho heviny hatrany.

Stefan



Ilay zandary maty nitifi-tena tany Befandriana Avaratra faritra Sofia ny herinandro teo.

## TENY MIFANAPAKA

N° 400

A	B	D	E	F	G	H	I	J	K
1									
2									
3									
4									
5									
6									
7									
8									
9									
10									

#### Mitsivalana

1. Asa tafika ho an'ny firenena
2. Nodimandry (miv) – Tsifikana
3. Isa Romana
4. Soloy – Fanontaniana
5. Bibikely (miv)
6. Atao an-tery – Heloka
7. Haja sy voninahitra – Mamarana ny lainga – Renintsoratra mifanaraka
8. Fonenana – Arotrano (miv)
9. Natsipinay
10. Ao amin'ny rano – Biraom-pifidiana – Mijoro ara-drariny (miv)

#### Mitsangana

- A. Sampana malaza ao amin'ny finoana
- B. Valizy be (miv) – Irery (BR)
- C. Sakaiza – Mari-bola
- D. Barea – Nivilana (miv)
- E. Vehivavy (miv)
- F. Mpitandro filaminana
- G. Mambila
- H. Tolorana – Mamba
- I. Fanampin'anarana – Efatra sy telo (BR)
- J. Nandalina farim-pahaizana
- K. Ambony (BR) – Manandrana (miv)

### Valiny Teny mifanaraka 0399

#### Mitsivalana

1. Ranomasina
2. Ondrinao
3. A, I – (B)asy – As
4. Laf(o) – Maty
5. Akoholahy
6. Ronono
7. Iry – Loka (miv)
8. Eto – Ivato (miv)
9. Inri – (S)ir(a) – No (miv)
10. Niala – Atao

#### Mitsangana

- A. Roaldhy – In
- B. Kaina (miv) – Reny
- C. N.D – Foritra
- D. E. Ora – Ho(ho) – Lio (miv)
- F. Misaina G. Any – Lokoh H. Sa
- G. Manatra I. Io – aloha (miv)
- J. Aty – Voa K. Atsy – Adino

# An-tsary misongadina Ny Valosoa Vaovao

Helisoa, Isambilo

Ny sekretera jeneralin'ny antoko TIM, sy ny mpandrindra nasiônalin'ny antoko Jean Claude Rakotonirina, fotoana kely mialohan'ny nisamboran'ny mpitandro filaminana azy ireo, teny amin'ny kianjan'ny Finoana Magro Behoririka ny sabotsy teo.



Ny sekretera jeneralin'ny antoko TIM Rina Randriamasinoro, sy ny mpandrindra nasiônalin'ny antoko Jean Claude Rakotonirina teny Faravohitra, tao aorian'ny nivoahan'izy ireo teny Fiadanana, avy notazonin'ny mpitandro filaminana.



Ny fanokafana ofisialy ny kaonferansa iraisam-pirenena faha-49 ny UPF Internationale, na ny fikambanana iraisam-pirenen'ireo mpanao gazety miteny sy mampiasa ny fiteny Frantsay, atao any Benguerir Maroc. Miatrika izany ny mpanao gazety Malagasy Arphine Rahelisoa, sy Noro Razafimandimby.

